

ქალაქ ფოთის მუნიციპალიტეტისა და განათლების სექტორს შორის თანამშრომლობა
„ქალაქ ფოთის გეგმარებითი და არქიტექტურული განვითარების იდეა“

ურთიერთთანამშრომლობის

მემორანდუმი ქალაქ ფოთის მუნიციპალიტეტის მერიას, საკრებულოსა
და თბილისის თავისუფალ უნივერსიტეტს შორის

ქალაქ ფოთის მუნიციპალიტეტი

14 ივლისი, 2022 წელი

ერთი მხრივ, ქალაქ ფოთის მუნიციპალიტეტის მერია, წარმოდგენილი მერის მოადგილის - დავით კვიციანის სახით (უფლებამოსილების დამადასტურებელი დოკუმენტი: ქალაქ ფოთის მუნიციპალიტეტის მერის 2022 წლის 14 ივლისის N 842.42221954 ბრძანება), ქალაქ ფოთის მუნიციპალიტეტის საკრებულო, საკრებულოს თავმჯდომარის მოადგილის - თორნიკე კირთაძეს სახით (უფლებამოსილების დამადასტურებელი დოკუმენტი: ქალაქ ფოთის მუნიციპალიტეტის საკრებულოს თავმჯდომარის 2022 წლის 14 ივლისის N 8.43.43221954 ბრძანება), და მეორე მხრივ, შპს თბილისის თავისუფალი უნივერსიტეტი, წარმოდგენილი რექტორის - ვახტანგ ლეჟავას სახით, შემდგომში წოდებულნი „მხარეებად“, ურთიერთობის დამყარებისა და სტუდენტთა (სივრცის დაგეგმარების, არქიტექტურული და დიზაინერული საქმიანობის სფეროს სპეციალობის სტუდენტები) მხარდაჭერის ღონისძიებების განხორციელების მიზნით, ეყრდნობიან რა თანასწორობისა და ურთიერთპატივისცემის პრინციპს, თანხმდებიან შემდეგზე:

მუხლი 1.

მემორანდუმით მხარეები თავიანთი კომპეტენციის ფარგლებში, საქართველოს კანონმდებლობის შესაბამისად, ადგენენ ორმხრივი თანამშრომლობის ფარგლებს შემდეგ საკითხებზე:

- ა) თანამშრომლობენ სტუდენტების მხარდაჭერის საკითხებში;
- ბ) თანამშრომლობენ სწავლაზე ორიენტირებული, მოტივირებული და წარმატებული სტუდენტების წახალისების მიზნით;
- გ) თანამშრომლობენ ქალაქ ფოთის მუნიციპალიტეტის სივრცის დაგეგმარების, არქიტექტურული და დიზაინერული საქმიანობის საკითხებში სტუდენტების ჩართულობასთან დაკავშირებით;
- დ) თანამშრომლობენ სტუდენტების კვალიფიკაციის ამაღლების მიზნით;
- ე) თანამშრომლობენ სტუდენტების სტაჟირებისა და პრაქტიკის გავლასთან დაკავშირებით;

ვ) პრაქტიკული ღონისძიებების განხორციელების მიზნით, კონკრეტულ სემესტრში მივლინებულ სტუდენტთა რაოდენობა და მივლინების ხანგრძლივობა დადგინდება მხარეთა ურთიერთშეთანხმებით, შესაბამისი გარემოებებისა და საჭიროებებიდან გამომდინარე;

ზ) პრაქტიკული ღონისძიებების განხორციელების მიზნით, სემესტრის განმავლობაში, შეუძლია საბაკალავრო პროგრამის მაქსიმუმ 10 (ათ) სტუდენტს, აღნიშნული პუნქტი შესაძლებელია დარედაქტირდეს ორგანიზაციის საჭიროებების გათვალისწინებით;

თ) სტუდენტების მხარდაჭერისა და წახალისების მიზნით ატარებენ კონკურსებს და ახორციელებენ სხვა ღონისძიებებს;

ი) საჭიროების შემთხვევაში უზრუნველყოფენ სხვა სახელმწიფო უწყებებთან, საწარმოებთან, ორგანიზაციებთან, პირებთან თანამშრომლობას და მათი ინფორმირებას;

კ) უზრუნველყოფენ საქართველოს კანონმდებლობით დადგენილი მოთხოვნების დაცვას.

მუხლი 2.

1. მხარეები გაცვლიან ინფორმაციას ერთობლივად განსახორციელებელი ღონისძიებების შესახებ და ხელს შეუწყობენ მხარეთა წარმომადგენლების მონაწილეობას ამ ღონისძიებებში.

2. მხარეები ხელს შეუწყობენ რათა შემუშავებულ და რეალიზებულ იქნეს ერთობლივი პროგრამები და გასამართი ღონისძიებები.

3. მხარეები ურთიერთშეთანხმების საფუძველზე შეადგენენ გასამართი ღონისძიებების მიზანს, ფორმას, განხორციელების მექანიზმს და სხვა.

მუხლი 3.

1. მემორანდუმი არ ზღუდავს თანამშრომლობის სახეებსა და ფარგლებს. მხარეებს შეუძლიათ ითანამშრომლონ სხვა საკითხებში ორმხრივი ინტერესების შესაბამისად.

2. აღნიშნული მემორანდუმი მხარეების მიმართ რაიმე სახის ქონებრივ ან ფინანსურ ვალდებულებას არ წარმოშობს.

მუხლი 4.

1. მემორანდუმი ძალაშია მისი ხელმოწერის მომენტიდან 1 (ერთი) წლის განმავლობაში.

2. მემორანდუმის შეწყვეტის საფუძვლები:

ა) მემორანდუმის ვადის გასვლა;

ბ) მემორანდუმის პირობების უხეში დარღვევა რომელიმე მხარის მხრიდან;

გ) მემორანდუმის შეწყვეტასთან დაკავშირებით, ერთ-ერთი მხარის მიერ არაუგვიანეს 30 (ოცდაათი) კალენდარული დღის ვადაში წარმოდგენილი წერილობითი განცხადება;

დ) საქართველოს კანონმდებლობით გათვალისწინებული სხვა საფუძვლები.

მუხლი 5.

მემორანდუმში შესაძლებელია ნებისმიერი ცვლილებისა და დამატების შეტანა მხარეთა წერილობითი შეთანხმებით. ცვლილებები და დამატებები ძალაში შედის მხარეების ხელმოწერის დღიდან.

მუხლი 6.

1. მემორანდუმი ძალაში შედის ხელმოწერის დღიდან.
2. მემორანდუმი ხელმოწერილია 2022 წლის 14 ივლისს.
3. მემორანდუმი შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე და ინახება მხარეებთან.

შპს თბილისის თავისუფალი უნივერსიტეტი



ქალაქ ფოთის მუნიციპალიტეტის მერია და
საკრებულო

მის.: კახა ბენდუქიძის საუნივერსიტეტო
კამპუსი, თბილისი, აღმაშენებლის ხეივანი
№240

მის.: ქალაქ ფოთის მუნიციპალიტეტი, დავით
აღმაშენებლის ქ. №12

რექტორი:
ვახტანგ ლეჟავა

ქალაქის მერის მოადგილე:
დავით კვიციანი



საკრებულოს თავმჯდომარის მოადგილე:
თორნიკე კირთაძე

